

精鈔
大字

隨

園

全

集

詩集

六

詩經
卷之六
六

小倉山房詩集卷三十六 乙卯

錢唐袁枚子才

元旦

爆竹隣家響未終。開門賀客已匆匆。天晴好著黃綿襖。似老都成白髮翁。千樹梅花迎我笑。三朝文獻有誰同。諸公莫羨衰顏好。昨飲屠蘇臉尚紅。

查亭家居八年年逾六十依然赴都候補作詩送之

兄弟皤皤兩鬢霜。新年攜手上河梁。阿連別我休垂淚。尚有來生別不妨。

知君心也懸

烟雲庚癸頻呼耳。怕聞半世黃金擲虛牝。誤人端是孟嘗君。

同官偕去者六萬餘金

鄉住溫柔奈

老何

弟詩

伯輿天性患情多。腰纏此後應珍重。莫負丁娘十索歌。

丁姬開弟不仕無泣三日

茫茫宦

海渺無涯就有神仙不敢猜。但願善人天默佑。神光仍照管寧回。

讀論語有感

天下歸仁理自超。誰知此柄也難操。諸侯圭幣爭相聘。一個桓魋手握刀。

公西東帶登

朝日。點也嬉游沂水天。同在聖門心事別。至今瑟響尚鏗然。

邗江雅集詩

有序

野叟山居。忽作揚州之夢。春江水漲。遂托白下之舟。纜繫隋隄。花迎阮屐。則有臺使香

泉先生早登仙掖之班。出視淮南之漕。章相逢而握手。蒙枉顧以移尊。扶輦門生。我携雕武。當筵歌者。君愛何哉。坐忘春夜之寒。少男風聚。人奪燈花之艷。玉樹枝聯。當金迷紙醉之餘。為換羽移宮之舉。一則才稱狂簡。願依謝傳門牆。一則歌帶書聲。堪作袁絳弟子。深深下拜。兩兩傾衿。折東以敘同門。聽呼小友。升堂而問奇字。互喚先生。更喜江左王珣。朝歌吳質。牽雲曳雪。聯轡持裳。或贊禮以通名。各交權而盡意。昔人西園之集。南皮之游。其克具此豪情。方茲韻事也哉。僕方來跨鶴。旋去揚帆。識歐九之風流。忍向龍門而揖別。忘江淹之才盡。命操禿管以成文。記就一篇詩。成三疊。此日平山堂下。齊聽佳話之傳。何年羣玉峯頭。再續雲仙之會。

華筵移置阿咸居。

蒙移尊家致華寓中

一朵瓊花載後車。絕好齊梁詩弟子。何妨師事沈尚書。

入

座風塵玉樣清。可憐毛髮亦聰明。賦琴新把嘉名錫。乍喚知卿聽尚生。

計五官謝公賜字賦琴

解

託多情杜牧之。寄聲山裏說相思。仙桃無福移來種。還託東皇好護持。

到溧陽看鵬姑再宿紅泉書屋作

十四年前宿塔鄉。餘溫猶在舊眠床。入門最是傷心處。不見懽迎白侍郎。

侍郎聞話每

三更。頭觸屏風耳尚聽。今日蕭蕭白楊下。可憐鶯語尚丁寧。

欲看園林似舊無。女兒指

引外孫扶。桃花對我嫣然笑。似識前來一老夫。

諸郎排日飲衰翁。盤盞銀光射眼濃。上有

兩江清俸字分明。即是孔埋鐘。文靖公曾署兩江總督

鵬姑才似女相如。健婦持家綽有餘。記否

當年燈火夜。替命數典替抄書。

安世侯傳二百春。更聞天上降麒麟。翩翩喜見佳公子。

三試都為第一人。謂元國世講子鏞。時新采芹。

衰年臨別意綢繆。借看圖書又上樓。絕似飛鴻憐爪

迹。閒花野草尚勾留。

三宿紅泉酒未消。春風吹雨濕征袍。回頭尚有關心事。未莫喬公

一太牢。未補文靖公墓此心缺然

彭鏗一見慰離懷。便是曇花不再開。他日夢中如識路。定教耆翅

再飛來。謂彭翁園先生

舟中寄彭貢園先生

彭夫子。負異才。清臚烟烟明鏡指。偶見隨園詩。傾衿誦百回。髣髴任華推李白。孔融思伯喈。書來苦道願相見。自傷衰頽願屢乖。聞說先生八十有三歲。我當兄事何疑哉。急買溧陽棹。笑劃江水開。路離君家八九里。我尚未到君先來。手扶筇竹杖。脚曳雙清鞋。仙風道骨顏如孩。形病神不病。齒衰身未衰。野王二老既相遇。誰為浮邱誰洪崖。欲把四十年事一口說。要將八十一家文字同編排。相約詰朝到君室。摩蘭燒錦飲百杯。誰知天帝驚。有意相遮礙。道是昌黎二鳥歌。業已駭真宰。更有青田二鬼行。憑空發光怪。那堪更使文星聚。鐫殘造化天難耐。急命雨師風伯起。波濤林浪隔斷彭衙界。只許君推衰。不許我訪戴。我如南海禮佛人。一見觀音不可再。君如雞黍款茅客。枉自欽遲將客待。馬行淖而蹄傷。舟衝波而帆敗。此清

小倉山房言集 卷三十一
耿耿海同深。後會茫茫年各邁。腸轉轆轤。老淚飄巾帶。只好高歌杜甫詩。九原泉路交期在。

附賞園光斗先生和詩

先生曠代之鴻儒。九苞蘊米含智珠。弱冠名騰入中秘。翔翔蘭署暨石渠。天寵奇才姑小試。俾膺民社來江湖。惠政羣歌願建康。清風不減范萊蕪。現宰官身試游戲。辭香案吏賦遂初。遙指倉山孕靈秀。急營卜築安琴書。吾愛吾廬洵樂地。山花山鳥供清娛。名齊鑿齒傳四海。行蠟阮屐周寰區。迄今壽考居八袞。精神不與龍馬殊。試問先生何所癖。憐才愛士實若虛。苔岑異質常滿座。對非野味充山厨。即如斗也素守拙。荊州未識徒嗟吁。辱公嗜加頻蒞。及聊寄帑帑供掃除。先生不鄙情益摯。郵箋懇款手足如。古云知己勝感恩。已無足知感亦愚。祇祈邂逅覩一面。三生願遂幸不孤。今春伏枕方苦疾。喜聞王趾臨蓬廬。披衣急起走迎候。握手話悽病欲舒。狂飈肆虐淫雨驟。乍逢旋散仍回車。來朝急遽賜華東。長歌千字何瞿瞿。為言此別艱後會。九原相訂誓不渝。讀罷悽然頓掩卷。淋浪涕淚沾髭鬚。斗雖早死骨未朽。祝公百歲善保軀。

送阿遯就婚茗溪沈氏

東陽族姓一村稠。弄壻人來定不休。只恐金閨有徐淑。催妝索句替兒愁。

記得兒生鬢

已絲。向平有願畢無時。今朝看汝成婚日。喚作遲郎竟不遲。

到西湖住七日即渡江游四明山赴克太守之招

湖樓再住興闌珊。兒自完姻我看山。一渡曹娥江上水。烏篷船仄鳥綿蠻。路過慈溪水

竹村。祠堂一拜最消魂。

五代祖察院槐眉公有祠堂。余入翰林香亭成進士區額俱存八十年來從未一到。

不圖劉阮歸來早。已見人

間七世孫。

久聞天乙閣藏書。英石芸香辟蠹魚。今日櫝存珠已去。我來翻擲但欷歔。

厨內所存宋板秘抄俱已散失。書中夾芸草厨下放英石云收陰濕物也。

莪亭尺牘善收藏。三百年人聚一堂。鄞縣范莪亭孝廉藏前明尺牘千餘家。

采到袁絲真有幸。塗鴉也廁兩三行。

天童寺

十里古時松。蒼蒼護梵宮。殿餘千片瓦。佛坐一天風。樹老根全露。僧窮禮愈恭。無多香積飯。

肯供白頭翁。

招寶山望海

招寶山頭坐。茫茫望大洋。波濤如起立。人世定洪荒。水合天無縫。雲生島盡藏。有誰溫帶下。親手折扶桑。

放光松歌

放光松。貌奇古。雷火不能焚。工垂不能分。老子雖猶龍。學禮頭轉俯。考父背偃僂。下民誰敢

侮長無八九尺。壽有千萬年。松根騰騰生紫烟。松針平鋪十畝田。松濤依稀奏管弦。左枝欲斷右枝聯。升者拗怒伏者眠。風為轉折雲盤旋。或為絡索或龍牽。甘心入土復出土。不敢朝天似避天。相傳阿育王。遺失舍利子。挂在此松梢。夜夜寶光起。方知松有神。十方皆頂禮。于今廟宇雖凋喪。此樹兢兢神所相。飽餐風雪愈槎枒。未允蛟龍猶崛強。我欲作青詞。奏玉皇。將松移種東海旁。常陪紅日照扶桑。勿與山中魑魅常爭光。

游四明雪竇七章錄呈楓村大守兼寄雪堂僧

捨却肩輿換竹兜。為探雪竇作仙游。一峯才了萬峯起。似上青天我欲愁。秧針綠滿寺門前。未見禪堂早見田。幾個高僧叉手揖。袈裟吹滿稻花烟。一條瀑布有聲聞。噴出山腰認不真。覽勝須登峯絕頂。興豪應讓捨身人。瀑布旁有捨身崖甚峭中天卓立妙高臺。穿破浮雲

眼界開。四面山如兒女伏。一聲呼喚定飛來。

狂客由來愛四明。果然風景似蓬瀛。不知

人世藏何所。但聽仙禽奏樂聲。

上通惡像果超羣。傳說開山是此君。伏地當時參佛祖。

衝天可號大將軍。

相傳上通禪師印黃巢也

十日天晴豈偶然。舟車全賴主人賢。黃堂便是西天佛。

替了靈山會上緣。

回首僧房紫竹床。難禁一宿戀空桑。此身已落紅塵去。還為雲箋寄

雪堂。

重游山陰石屋

十六年前地重來。景米忘山多迎我笑。人竟比松蒼。雨氣諸天濕。經聲晚課忙。為尋子少保。急急步禪堂。廟聯云。花雨欲隨巖翠落。松風還傍洞雲寒。錢塘子謙題。

再過招寶山觀海四首

再看海方信。東南地缺多。三山雖宛爾。一笑奈風何。天后來招寶。山有天后廟。觀音住普陀。相逢

定相約。聖世莫揚波。九點烟如許。中原算一支。天心無畛域。地界有華夷。魚目三更

日。蝦鬚十丈旗。宣尼果浮海。語怪也驚疑。若個探深淺。歸墟隔幾重。九天烝日月。萬怪

走魚龍。善下斯為大。能虛自有容。江河似知苦。爭敢不朝宗。弔古能無感。追思漢與秦。

戈船尚來往。砲位更橫陳。徐福三千士。田橫五百人。成仙與作賊。強半此藏身。

記游一篇留寄太守

滿頭白髮披過耳。聽說青山心尚喜。向平願畢才兩日。康樂東裝竟千里。楓村太守風雅士。館號招賢從隗始。片葉輕搖范蠡舟。一江直渡曹娥水。初登招寶山。鯨波將眼洗。再拜阿育王。摩挲舍利子。雪竇參天石鏡開。徑往從之歇行李。胸羅青嶂影層層。脚踏紅霞罵几几。僧能憐老杖。先扶天許看。山雲不起鐘鳴漏。盡尚行乎海濶天空竟歸矣。試問人間八十翁。如此風懷能有幾。羲之樂死怕教兒。列子耽游將沒齒。旁人尚訝子胡然。我亦無言笑而已。

八十自壽

自笑將開九秩筵。輓詩翻在壽詩先。剛修禊事頌三雅。再宴瓊林欠四年。瀟灑一生無我相。迤邐到處有人緣。桑榆晚景休嫌少。日落紅霞尚滿天。白雲深處白鳥翁。尚記髫年入

泮宮。賈誼登朝裁弱冠。趙元叉手揖三公。金蓮花燭家家羨。南國甘棠樹樹紅。一旦慈烏思

反哺。搖鞭不待管絃終。買得青山號小倉。一邱一壑自平章。梅花繞屋香成海。修竹排

雲綠過牆。嵌壁玻璃添世界。張燈星斗落池塘。上公誤聽園林好。來畫盧鴻舊草堂。甲辰春聖駕

南巡和致齋相公遣人來畫隨園圖卅載承歡鬢已星。萊衣舞罷此身輕。千重越嶺看花去。兩度天台采

藥行。倭國都來購詩稿。萬麗使臣李承惠洪大榮等佳人相約拜先生。孫雲鳳張玉珍諸人九州不信吾還在。陽

五都疑古姓名。甲乙丹黃萬卷餘。兒孫珍重好家居。但看手澤應思我。莫為科名始讀

書。平子四愁能自遣。香山三泰有誰如。此翁事事安排定。生冢營成傍草廬。欲為遲郎

賦感婚。即將此日卜良辰。蟠桃會上看新婦。玉鏡臺邊祝大椿。白髮妝成三女粲。陸金鍾三姬俱老矣

好風吹滿一家春。畫梁乳燕雙飛處。添個堂前問字人。阿遲婦全賈能詩一枕黃梁夢太長。憑

人喚醒又何妨。烟雲起滅山還在。桃李榮枯松自蒼。不解臯盧呼彥道。愛藏金石學歐陽。寶

公他日西湖召。擬獻周官樂幾章。逢花逢月客誰招。碩果晨星逐漸凋。怕過山陽聽玉

笛。嬾從酒店贖金貂。性不飲而愛飲客牡丹艷艷開三月。聖世看看歷四朝。倘把光陰掄指算。占

人多少可憐宵。閨中妻老尚齊眉。冷暖常先侍者知。同榜一人惟首相。阿廣兄及門五

代見孫枝

諡和儀郎中家

詩多幸賴辭官早。累少全虧得子遲。更喜女嬃還健在。白頭閒坐說兒時。

陸氏姊八十七歲

尚書小楷尚登樓。滴露研朱事未休。清福已經消半世。虛名還敢望千秋。貧

能行樂仙應妒。老不逃禪佛亦愁。擬乞壽言何處乞。抽毫先向自家求。

一作杖過杖朝無可故思量只好上天游

三月二日

杖朝人被四方知。千里人來萬首詩。惹得衰翁心轉法。牡丹開到十分時。

兩家爭把壽

星迎

又禮姬楊仁山世講

兩隻花船載酒行。同到觀音山下泊。蓮花座上祝長生。

多謝吳娘金叵

羅。為儂齊唱百年歌。曲終人散先生笑。又遇人間春夢婆。

讀嵇文恭公行狀覺前詩有未盡者再補一首

不曾聽過鹿鳴聲。

庚戌會試許大臣子弟一體入場

便向金鰲頂上行。賈誼治河良策備。公署南北河千師俱有奏疏

秋上殿小車輕。封章屢乞歸田里。恩旨纏綿眷老成。寒免趨朝朝免早。翻勞聖主替

經營。

自壽詩亦嫌有未盡者再賦四首

自家心要自家安。身自頽唐筆未乾。海客忘機禽便狎。龍門不峻客常懽。孟嘗焚券除煩惱。

所焚券如魚門太史蕭惠我楊總達觀只有平生幾知己。良年說著淚猶彈。

不能飲酒

厭聞歌。革帶常寬嬾著靴。那信陰陽有拘忌。祇憑忠信涉風波。

凡有水路者從不陸行

空王殿上香烟

少故友墳邊麥飯多

補藤先生墓代祭四十年矣

奴僕亦知安我拙。相隨都已鬢皤皤。

置驛南陽我

不如客來相見定相於

平生客無留門者

喜除詩外從無債。愛聽泉聲似啟予。十頃水田生計足。四

時風月夜窗虛。何圖將相沙場上。萬里馳詩訊起居。

謂孫福兩公相和惠兩制府

著到飛棋興偶然。

無絃琴好亦空懸。家餘旨畜隣分潤。園少墻垣賊見憐。

謂無藩籬恰不失物

一物有情皆入賞。半生非

病不孤眠。休提往日與人頌。風影記傳五十年。

至今村市有彈唱當年德政者皆方朔外傳附會無稽

題姪婦戴蘭英秋燈課子圖

禮訓從來出戴家。戴嬌生小貌妍華。娟娟國色天仙妬。字字金鑒紫石夸。豪犀梳罷清晨起。便倚妝臺吟不止。脫口能傳伏勝經。停針便續班昭史。偶然吹竹更彈絲。多藝多才侍婢知。芳姿似月閨中照。佳句如雲紙上飛。喜結絲蘿歸小阮。寒家戚里人人羨。西湖攬勝共香車。北苑題箋分筆硯。秦嘉聞說也聰明。詩筆終輸徐淑清。不櫛由來稱進士。妝成理合喚先生。一朝夫婦長安去。男兒慣被封侯誤。即病方教我欲愁。妾悔早唱公無渡。刺有嬰媿膝下孤。呱呱知哭阿爺無。購來李翰蒙求本。命寫顏家千祿書。最苦霜天夜月高。烏啼不住朔風號。兒頭已觸屏風曉。娘手猶持荻草教。而翁曾作宜興宰。我來乍見驚鴻態。不料乖離十四年。霜蘭雪竹容顏改。贈扇題詩當束修。近跡自稱年年春仲望來游。贈句見我來先要舍館問。兒課何書記得不。

魏齊

祖龍一怒萬人愁。大索張良也罷休。底事應侯小嗔喝。半空飛下魏齊頭。

題竹宜夫人玉堂春曉圖

畢制府室姓伊字竹宜

朝天人去未還家。偷得閒身掠鬢鴉。莫向風前頻却扇。恐教羞落海棠花。

一幅生綃烟

景清寄來千里意分明。老人把筆無題處。只好裙邊署姓名。

張素香校書以扇求詩

素女披香倚畫欄。張星須與月同看。國風儘寫莊姜美。我道凝脂第一難。

哀翁無計與

溫存。只可摩挲一斷魂。絕似武夷君下世。向卿空喚女曾孫。

碧山吟社圖為秦小峴觀察題有序

前明宏治癸亥。秦修敬先生。招陸懋成。鮑陳天澤。履十人為詩會。沈石田為作碧峰吟社圖。藏秦府多年。忽然失去。小峴觀察得之。濟南書肆。甚為欣喜。然已失去圖尾諸名。流題跋矣。

碧峰社裏十風人。寫上丹青五百春。底事仙山飛海外。用王摩詰故事依然神劍躍龍津。文姬自古終歸漢。淮水而今尚姓秦。莫惜標題微有缺。斷圭殘璧總精神。

奇中丞失察織造缺額罷官入都賦詩送行

七載甘棠露未乾。一朝春去太無端。本來戀闕心原切。如此休官夢亦安。佛為度人常入劫。驢因久駕暫離鞍。薰風滿路黃梅雨。病後知加幾頓餐。最難分手有衰絲。剛在吳門送亦奇。風引柳雲還上界。鳥啼殘照戀高枝。便逢色笑從今日。再宿南衙是幾時。老淚無多自憐惜。為公傾灑怕公知。

歌者天然官索詩

何必當筵唱浣紗。但呼小字便妍華。萬般物是天然好。野卉終勝剪綵花。可憐春蠶到老愈纏綿。塵滓便了三生願。與汝同超色界天。

雌霓雄風總

中丞體素羸解組後陽滿大宅故入見心喜再賦二首

眠食勝常貌轉佳。封疆肩卸此心閒。方知前示維摩疾。總為憂民報國來。廊廟江湖境本同。能舒能卷是英雄。只愁絲竹東山樂。未必蒼生許謝公。

送中丞至惠山蒙賜人蔭留別

老怕恩多記不清。著公衣服送公行。身上葛袍公舊服也。已西仲夏所贈。惠山泉似知人意。流出潺潺不盡聲。

一路官民盡捧靴。

用崔戎故事。

中丞病起奈勞何。不圖去日旌旗少。轉比來時迎者多。

老我婆娑語未終。幾莖仙草納懷中。知公留贈無他意。要我長生再見公。公是朝陽未

有涯。我如落月暫徘徊。從今抵得千回夢。只盼長安一雁來。

五月二十一日還山留別蘇杭親友

八旬人別武林城回首西湖尚有情。倘與諸公緣未盡。三年來聽鹿鳴聲。

余戊午舉人再隔三年又戊午矣

妙手調羹愛阿戎。幾番招飲醉哀翁。弟兄花似開棠棣。越到斜陽色越紅。

謂春圖弟

語朱雲感未忘。當年為我訪花忙。戴家小王今存否。只恐麻姑鬢已霜。

乙酉冬韜六翰林同游碧浪湖引見戴家

能詩之婢意欲聘之

二老三仙酒一卮。

秦嶽廉使女雲鳳雲鶴玉如玉夫人一齊鵬我

全家送別話依依。故鄉尚有孫思

邈。忍說杭州竟不歸。

再過莫愁湖有感

結綺臨春盡化塵。莫愁樓閣又重新。男兒欲為千秋計。不作英雄定美人。

與嵇曼叔世講游惠山石門

惠山游石門喜與嵇康共。初登心已訝。再上身漸重。先入紫微宮。焚香來者眾。繼至白雲巔。

飛流奔石洞。東望无蒼蒼。撫心內自訟。下臨萬仞溪。險絕不可控。倘一失足墜。老命為誰送。

忍死登其巔。白日手可弄。雙峰不見門。絕壁但留縫。九天一聲咳。萬山齊欲動。佛坐影尚搖。

鳥飛天若縱。卻寶雖重來。

錫山童語云若要石門開除非卻寶來

張騫難鑿空。一笑下山歸。回頭似出夢。

紀周將軍墓上事有序

乾隆四十九年秋周將軍遇吉墳為黃河水所齧北將傾矣居民嘆曰將軍如此忠節而死後乃不保其墳耶是夕雷電以風全地俱震及旦視之湧出高山百丈為障其墳時春圃弟秉臬山西以公事至再武關歸述其事

古來陵寢如鐵甕摸金校尉猶能動惟有忠臣土一坏天看更比山河重甯武關外周將軍心似精金膽似雲准南子萬箭攢身不變色百年埋骨尚留墳墳近黃河百餘步漸漸崩沙嚙其路一夕風雷震地鳴湧出青山替保護我於此事常懷疑天若無知又有知與其朽骨天猶管何不天兵早救之誰知國祚本無常運去時來各自忙難扶大厦孤撐手易表沉檀死後香君不見建文之朝黃子澄殘骸狼籍埋華亭蔓草荒烟四百齡年年祭掃家無主有人築亭偷取土三築三擊雷不許亦近年事嘉定校官錢塘為余言

吳校坪太史滌硯遺圖有序

乾隆元年余與翰林前輩吳校坪先生同受廣西金中丞知薦鴻博入都時先生鬢髮全白而余一領青衿年才弱冠同試保和殿上今花甲重周音塵久隔偶過姑蘇其後人名顯者見示此圖展玩之下不特如見先生并如見中丞也磨墨揮毫悲來橫集

憶昔同徵日於今六十年一朝逢畫裏萬感集胸前我鬢全蒼矣君容尚婉然遙知洗硯處

初染桂花烟。

此圖畫于雍正癸卯是年公舉秋試

附稷坪先生王坦自題小照詩

不合人間有此生。年來蹤跡寄浮萍。身餘筆墨難償債。家為饑寒已廢耕。與我周旋仍作我。識卿面目付還卿。風雲變盡隨時態。白首惟君不世情。

無言獨坐傍芳菲。此子襟

期與世違。首霜草荒天馬病。神仙字老蠹魚饑。露寒金粟秋風早。水落吳江獨雁飛。今日燈前重問訊。怪他雙鬢漸看非。

惡老八首

老人慣早起。如盤古開天。獨來又獨往。四望無人烟。欲盥水未溫。欲飲茶未煎。兒女門戶閉。僮僕縱橫眠。豈不欲嗔喝。猛然記少年。記得少年時。鼾聲如雷顛。

身欲往某處。必是有

所謀。及至行中路。業已忘因由。偶呼奚僮來。意有所分付。及其求至前。翻問來之故。李崇或損腰。周仁時溺袴。窺園奴急扶。登樓人盡怖。事事受人憐。方知老可惡。

支節豈不佳。因

足累其手。高談覺傷氣。真乃口戕口。厭坐起而行。行亦不能久。有意珍藏物。及尋轉無有。昨宵所見客。今日問誰某。愁看細字書。畏逢禮多友。曾昭心雖重。梁王已呼叟。只好學模稜。唯又否否。

看老天光景。漸漸不相容。有目漸不明。有耳漸不聰。卿輩雖難記。徐陵終不

恭。訓人至萬語。母乃王世充。屬屢屢便却。須臾腹又空。鬱丞偶免冠。輒竟又受風。圍棋陣易